

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXXIV.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

Et postrid. Cal. h. e. hodie alia celebramus sponsalia, Joh. Fœneratoris adoptari ab Oeconomo Prædicatorum & cognata hujus Oeconomi. Hac de causa Mater & Soror se excusari volunt, quod per hunc nihil scripserint.



LXXIII.

Gratiam & pacem à Servatore Christo.

Propediem plura coram loquemur; nunc ut moram excusem, paucis hæc, humanissime mi Erasme. Hærendum enim adhuc mihi est duabus hisce hebdomadibus propter Heri & Ecclesiæ negotia. Velim etiam Theologorum vestrorum Censuram de Collatione, quam mittimus, hic apparere, priusquam ego discedo. Multi & varii libelli, quot jam multis non Nundinis, hoc Mercatu allati sunt, quorum bonam partem apud vos extare non dubito: de reliquis, si licebit per otium, commentabimur. Ut autem consceleratam quorundam malitiam videas, en quomodo Lutheranis factionum studiis distractis illudant. Authoris nomen enim est additum, ego ausim affirmare, ex Orco & Styge *à pius* hanc Logicam promanasse. Compescat te Deus Satan. Et hoc incendium è cathedra Lutheri nobis nascitur, quod præter Filium DEI nemo restinguet. Etiam veni Jhesu. Scripsi pauca quædam Dn. D. Simoni, ut tu videbaris velle, tamen si maluisssem ei nihil scribendo non molestus esse. Salutant te domestici, Weislandus, Mügius. Benè in DOMINO vale, Argentorato postrid. Calend Octobr. anno 1571.

Tuus ex animo frater

Johannes Pappus.

LXXIV.

S Quod salvus ad tuos redieris, cum tibi tum Ecclesiæ gratulor, maxime verò, quod domi pacata omnia inveneris. Domini beneficium est, cujus virtute repressæ sunt inconsiderata perniciosaque molimina; idem donet, ut porro frui pace domestica possitis, inque publicam ædificationem studia omnia convertere. Satis enim & plus satis controversiarum foris est, quas ex æditis hisce præsertim nundinis hinc inde libellis licuit cognoscere, quæ quantos triumphos exhibeant hostibus res ipsa docet. Equidem si visum est Domino, sic nos cribrari, supplicibus votis invocari à piis omnibus debet, ut hosce tam graves paroxysmos ad sanitatem ipse convertat, &

impio-

impiorum gaudium finem merorem faciat. Pro prescripto ad nos Colloquio Doct. Jac. Andreae & Illyrici magnam gratiam habeo, non licuit id vel mihi perlegere vel Collegis exhibere, quia transcribendum curavi, quo tuum possem remittere exemplar. Interea spero, Pappum fratrem dilectum & venerandum, adventurum, cum quo liceat de hoc ipso negotio fusè & diligenter conferre. Quæ paucis tu literis ad me datis comprehendisti, prorsus ex mea sunt sententia, & optandum sit valde, virum pietate & doctrina præstantem flecti posse, ut bonorum acquiescat consiliis, ne Zelo inconsulto, affectare, quam cavere debeat, offensionem videatur. Medici curationem circa M. Philippi affectum exorsi sunt, præmissis purgationibus, & sperant sanari, Domino ipsorum operam benedicente, posse. Requiritur victus rationem convenientem, quæ, ne desit illi, prævidebo. Butyrum mitto, tres centenarios & libras 59. cuius precium significabo tui, cum ex Nundinis Bernensibus, quæ in festo S. Martini habentur, id ipsum ex fratris consignatione intellexero. Mea conjunx laborat non nihil, non ex podagra, sed internis doloribus, quam tuis precibus, sicut & me ipsum, unice commendo. Bene vale cum symmistris, uxore, toraque familia, salutant te reverenter Coccius & Fuglinus. Basil. 10. Octobr. An. 1571.

T. Sulcerus.

ut semper intimus frater.



LXXV.

D. D. Marbachio.

S Expectamus magno desiderio Dn. Pappi adventum, ex quo cum de tua valetudine, tum Ecclesie statu prolixè cognoscere queamus omnia. Philippi affectum curant Medici magna fide & industria: Corpus purgarunt Catharticis valde commodis, quæ facile tulit; Inde dentem, ex quo affectus origo, ferro candente bis per intervalla adusserunt, sed sine ipsius dolore & partium vicinarum læsione. Inde causticum quendam succinum imposuere, denique & ab externa parte non nihil adhibuerunt corrosivi, sed lenioris, quæ ad fundamenta perveniant, solidamque sanationem, DEI auxilio, consequantur. De costo interim ligni Quajaci ex ipsorum prescripto utitur, sed sine sudoribus, & superstitiosa aeris vitiatione, quo fit ut omnia commodè toleret, nec virium sentiat ullam debilitationem. Ut optima in spe sim, hanc illi curandi methodum prescriptamque vivendi rationem, non ad hoc tantummodo malum tollendum, sed totius corporis firmiorem salubritatem facturam esse. Eo etenim meliorem eventum præsumo, quod sanctissimi Viri, cum

Ddd

DEI